

# DISCOVER

*(Bible Râlchhan)*

Zirlai - 19

Kristian Nuna Lûtin (Baptisma)

**A**frica rama kan Bible Sikul aiawhtu pakhat ațangin hetiang report hi kan lo dawng a:

“Kum nga lai a ni ta, Bible Râlchhân (Sikul) ațangin chu mi rama lungin tâng, Bible

Râlchhân sikul zirlai chu tlawh tûra ngenna ka hmu a. Chu ngenna chu Tân in hotute ka han hmuhtîr chuan lâwm takin hmuh phalna min pe a, Chu zirlai chuan Bible chanchin chu hriat a châk êm êm a, kei pawh chuan hunbi neiin ka tlawh ta zêl a.

Ka tlawhtirh aţanga thlaruk vêlah chuan chu zirlai chuan baptisma changa kohhran zawm a duh ve ta a. Thuneitute chuan tân in chhûnga baptisma a chan theih nâna ţulte chu min tihsak zêl a. Tichuan, vêngtute leh lung in tângte pungkawm chuan baptisma ka chantîr tawh zawng zawng rilru la khawih ber chu min hmanpui (hriatpui) ve ta a ni.

"Chuta ţanga reilotêah chuan kan unaupa chu a chhuah kum hma daihin an chhuah ta a. A chhan ka zawh chuan, A nun a danglam nasa êm êm a, a chhandamtu leh a sakhua nghet taka zawmtu a nih avângin lung in tâng anga ngaih chi a ni ta lova, tin, lung in tâng anga enkawl chi pawh a ni tawh hek lo. Chuvângin reilote hnuah chuan a chhûngte nêh chuan awm hovin, tûnah chuan kan inkhâwmna hmun lian tak pakhata hruaituah a ţang ta a ni," tiin.

#### 1. BAPTISMA AWMZIA CHU ENNGE NI?

He lungin tâng hi Kristiana a lo inleha a nun chu nasa taka lo danglam khân eng ti zia nge baptisma a chan chu a pawimawh tak êm êm a. Bible hian baptisma pawimawhzia leh a awmze dik tak Chiang takin a sawi a. Hotu pakhat Nikodema, zâna a hnêna lokal nêna an inkawm ţum khân,

**"Isuan a chhâng a, a hnênah, 'Tihtak meuhvin, tih tak meuhvin ka hrilh a che, mi tupawh a pianthar loh chuan Pathian ram an hmu thei lo vang,' tiin a sawi a." Johana 3:3.**

Nikodema chuan Isua thu sawi chu a awmzia a man hauh lo mai. Engti kawngin nge mi chu a pian nawn (thar) leh ang? Chuvângin Isuan a hrilhfiah ta a.

**“Tih tak meuhvin, tih tak meuhvin ka hrilh a che mi tupawh tuiah leh thlarauva an pian loh chuan, Pathian ramah an lut thei lo vang,” Johana 3:5.**

Tuia piang awmzia chuan tuia baptisma chang a kaw k a, Thlarauva piang chuan nun thara nung, rilru leh thinlung thar nei a kaw k thung. Pathian rama luhna chuan a thar hlak a phû avângin, nunhlui bel phui a ni lo, nun nunthar hlak hi piantharna chu a ni. Tuiah leh Thlarauva pian thar hi a pawimawh a ni, a chhan chu, tuia baptisma chan hi chhûng lamah danglam a awm a ni tih pâwn lama entîrna a ni. Kan aiawhtu khân lung in tâng kha Krista hnêna a intukluhna leh Thlarau Thianghlimin danglamna a nuna a rawn thlen tak hriatpuina atân baptisma a chantîr a ni.

## 2. ENGVANGIN NGE BAPTISMA KA CHAN KHER?

Kan chhandamna hi Krista thiltih pathumah a inghat a.

**“Krista chu Pathian lehkha Thu ang zêlin kan sualte avângin a thi a, an phum a Pathian Lehkha Thu ang zêlin ni thum nia kaihtawhin a awm a.” 1 Korinth 15:3, 4.**

Krista chuan a thihna te, phuma a awmnate leh a thawhlehna aţangte hian chhandamna chu a siam a ni. Kan sual avânga thiin, phumin a awm a, nimahsela thlân aţang chuan felna nun min pe tûrin a tho leh ta a ni.

**“Keini zîngah Isuaa Baptisma chang apiangte chu a thihnaah baptisin kan awm tih in hre lo em ni? Chuvângin a thihnaah baptisma kan chanin, a**

**hnêna phum vein kan awm, Pa ropuinain mitthi zing ata Krista a kaihthawh ang khân keini pawh nunna tharin kan awm theih nân." Rom 6:3, 4.**

Krista thihna leh thawhlehma chu kan thihna leh thawhlehmaah a chang a. Chu chu a dik a ni. A pakhatnaah chuan, Pathian nêna kan inzawmna avâng a ni. Ani chuan Kristaah kan awm tih a hmu a, a thisen chuan kan soal zawnzawng a khuh a, a nun famkim chuan kan tlin lohna zawnzawng kha a khuh ta a ni. A pahnihmaah chuan kan nun ngeia kan paltlangna a tang hian Chiang a awm a ni. Pathian (chakna) chuan soal thihsan theiin min tanpui thei a, chu chu a taka khenbeha awm ang kan ni. Chutiang bawh chuan thihna a tang tho leh ang chiahin Thlarau lam thilahte pawh min tinungin thihna a tang kaihthawh angin kan awm a ni.

Baptisma channa hian inthlâkthlengna (danglamna) kawnga rahbite a entîr a. A hmasaberin tuih hnim luhin kan awm a, mi an thiha thlâna kan phûma kan vur leh ang hian keini pawh hnim pilin (tuithlâna phumin) kan awm ve a ni. Hetiang hian Krista ruala thiin kan nun hlui chu phum kan duhin kan phûm ta a ni.

Baptisma hi inphum na, kan nun hlui soal bâwih nêna inthenna a ni. Chu chu kan tih hnuah, thlân a tang kaihthawh angin Pastor chuan tui a tangin min kai chhuak ta a. Chutah thilsiamthar, nun thar hlauh pêk kan ni ta a, chu mi atân chuan Pathianin min nghâk reng a ni.

Inhnim pil chauh hian baptisma awmzia thihna, phumna leh piantharna chu a entîr a ni. Tuih theh baptisma hian piantharna hi a entîr tluanchhuak zo lo.

Krista nêna thih awmzia hi engchiah nge ni?

**“Hêng hi hria ila: Kan mihringhlui chu a hnênah khenbehin a awm ve ta, soal pu taksa chu tihborala a awm theih nân, tun achinah soal bâwiha**

**kan awm lohna tûrin,” Rom 6:6 chuan a ti a ni.**

Baptisma hian chhung lama mi tihtûr chu pâwn lam aţangin a lantîr mai a ni; chungte chu engkim Krista hnêna pêk leh a hmaah chuan engkim phawrh vek te hi an ni. Pathian laka engkim thukrua, kan zêprûk chuan, chu sual bâwihah chuan kan la awm a ni. Baptisma chang tûra i inbuatsaih hian mahni inenchianga Pathian hnênah, engkim tih danglam a phut apiang tihdanglam i duh a ni tih hrilh hi a pawimawh ngawt mai. Kan danglamna chu vawilehkhatah a thleng vek kher lovang. Amaherawhchu kan engkim a kutah dah kan duh tûr a ni. Krista hnêna kan inpumpêk chuan, sual kan châknate chu “Thilti thei lovin an awm thîn.”

**“Krista hnênah khenbehin kan awm ta, nimahsela ka nung ani; keimah erawh chu ka ni tawh lo, Krista chu keimahah a nung zâwk a ni. Tûnah tisaa ka nung hi rinaa nung ka ni. Pathian Fapa min hmangaiha ka aia inpetu nunnaah chuan.” Galatia 2:20.**

Krista khenbehna chu baptisma changa ka han zawm ve hian, ka nunah thiltihtheihna ropui (chak) tak ka la lut ta a. Chu chu keimaha Krista nung ta chu a ni. Kraws leh thlân ruak chu thil thleng mak tak an ni; tun thleng hian thil mak a la thleng reng a ni.

I nunna chu Krista hnêna a puma hlan thei tûra i harh chhuah theih nân, a hmasa berin Krista krawsa thi lai chu ngaihtuah la, i duhna tibuai thei tûrin i sualna nangmah tibuai che kha ngaihtuah zui suh, i tunhma chanchin chhuiin lungngai suh, Isua lam chauh en mai rawh. Ngun tak leh ţawngţai chung a i ngaihtuah chuan a ti lâwm ngawt ang che. Krista khawngaihna leh huaisen taka Kalvaria a thil tihte i hmuh chuan amahah chuan nghehna neiin, “Kraws thiltihtheihna avâng chuan hêng sualte aţang hian ka thi tih puangin Pathian kohna lam



chu ka chhâng tawh zâwk a ni. Kristaah chuan kan ding ta a, tun ațang chuan Pathian fapa min hmangaiha ka tâna a nunna putu rinnaah chuan ka nung ta a ni.

**"Krista thihna leh thawhleha avânga thiltih theihna chu kan dawn reng chuan ruahmanna tam zâwka kan nun țhalo chu a luah khat deuh deuh ang. Chumi avâng chuan tupawh Kristaa a awm chuan thil siam thar a lo ni a; thil hluite chu a ral ta a; ngai teh u, a lo thar ta... Engkim hi Pathian hnên ațanga chhuak a ni a, ani chuan Krista avângin amah nêh inremna min siam a."** 2 Korin 5:17, 18.

He mi atân hian baptisma hi rahbi hmasa ber aiin Baptisma ațang hian Krista nêna inkuanguah a a thar leh țha zâwka amahah chuan nun kan duh thu kan tilang a ni. Krista chuan keimahniah leh keimahni kal tlangin kan tihtheih loh chu a ti ta a. Thil siamthar niin kan lo chhuak a, tin, anin a thara nun theihna chakna min pe ta a ni.

**"Tunah chuan Isua Kristaa awmte tân chuan thiamloh chantirna reng a awm tawh lo. Kristaa nunna thar chuan sualna leh thihna**

râp̄thlâk awmna (thin) ata chu mi la chhuak ta si a.” Rom 8:1, 2, NIV.

### 3. ENGVANGIN NGE ISUAN BAPTISMA A CHAN

Baptisma hian sual nun hlui thihsanna a entîr mai ni lovin, Krista thisen zâra kan sualte tlenfaina pawh a huam tih hrereng la. Pentekos ni khân Petera chuan an diklohna te aṅanga fihlimna zawngtu te hnênah heti hian a sawi:

**“Sim ula, in sualte ngaihdam nân Isua Krista hmingin baptisma chang theuh rawh u.” Tirhkohte 2:38.**

Hei hian zawhna pakhat a siam a, Isua chuan vawikhat pawh thil a tvisual si lo. (2 Kor 5:21). Chuti si engvângin nge baptisma chu a chan si?

**“Chu mi lai chuan a hnêna baptisma chang turin Galili ram aṅangin Jordan luih Johana hnênah Isua a lo kal a, Johana erawh chuan, 'I mi baptis ka ṭul zâwk si a, ka hnênah i lo kal zâwk a ni maw?' tiin khap a tum a. Nimahsela Isuan a hnênah, 'Tûnah rem ti hrâm rawh, hetianga felna zawng zawng hlen chhuah hi kan tân a mawi a ni,' tiin a chhâng a, tichuan rem a ti ta a. Isua baptisma a chan ve leh tui ata a chhuak ta nghal a. Ngai teh, a tân vân a lo inhawng a, Pathian Thlarau chu ṭhuro anga lo chhukin, a chung a lo fu a hmu a. Ngai teh, vân aṅangin awin, 'Hei hi ka Fapa duhtak, ka lawm êm êm a chu a ni,' a ti a.” Matthaia 3:15-17.**

Isua chuan sual a nei lo, thil diklo a tih sim tûr a nei lova, fellohna tlenfai tûr a nei bawk hek lo. Amaherawh chu chhan dang avâng zâwkin Krista chuan baptisma a

chang a, chu chu felna zawng zawng hlen chhuak tûrin, Jordan Lui tuia Johana chu inhnim pila baptisma in chantîrin Isua chuan entawn tûr mumal tak a hnutchhiah ta a ni. Mi chaklo leh sualte din hmun chu chiang takin a hriatpui a, an mamawh ang chen chen pawh a tihsak duh a ni. Chhandamtu Krista chuan amah ngeiin a lo paltlang tawhna hmunah chauh lo chuan amah zuitute chu kal tûrin a tîr ngai lo. Chubakah khawiah pawh, amah chuan a hruai zêl a, a nawr lui ngai lo. Chutichuan, ringtuten tuia inhnim pila baptisma an chan hian an zirtîrtu hniak hnung an zui a ni. 'Engvângin nge Isua chuan baptisma a chan?' tih zawhna chu, 'A felnate chu kan hnêna min pêk theihna tûrin' a ni.

**“Amahah chuan Pathian felna kan lo nih theihna tûrin, sual rêng rêng hre lo chu Pathianin keimahni avângin sualah a siam a.” 2 Korin 5:21.**

Krista thihna leh thawhleahnaah chuan Pathianin a felna min pe a, misual kha Pathian hmuha thianghlimin min siam a, chu thilpêk kan dawn, felnaah chuan ðhang chhovin Kristaah chuan nun tharin kan nung ta a ni. Baptisma hi Kristan a nunna (amah) zâwm tûra mi sualte a sâwmna rahbi hmasa ber a ni. Chhandamtu thihna leh thawhleahna hi a sâwmna rahbi tâwpte chu an ni.

#### 4. BAPTISMA KA CHAN HIAN ENGVANGIN NGE KA INHNIM PIL KHER ANG?

Thil hriat theih zawng zawng aţang hian Krista khân baptisma a chan khân hnim pilin a chang. Tuia theh mai chuan a chang lova, a lu chung a tui leihin a chang bawk hek lo. Johana chuan Jordan luih khân tui a tam avângin a chantîr a ni. (Johana 3:23). Tin, Isua chu baptisma chang



tûra Johana hnêna a lo kal khân, tui chu a zu daia tin baptisma a chan veleh (*hnim*, Greek) tui aţangin a lo chhuak a. (Matthaia 3:16).

Baptisma awmze dik tak hi kan hriat chian chuan, a chan dân dik tak hriat hi chu a harsa tawh lo thung. “Baptis” tih hi Greek  awng “Baptizo” tih aţanga lo kal a ni a, a awmzia chu ‘tipil,’ emaw, “hnim pil” “tuichhunga dah,” tihna a ni.

John Wesley-an 1737-a America a tlawh  um chuan, kohhran hrulaitu 34 laite chuan an kohhran mi, Mr. Parker fa chu hnimpil chauh loh chuan baptisma a chant r duhlo a ni tiin nasa takin an lo chhuah chhal a. (An khinna av nga court thuhla pawh Georgia State Court Record buah a la chuang a ni.) Methodist kohhran hotu hian hnimpilin baptisma a chant r tih chu a Chiang hle a ni.

Kohhran hmasate chanchin ziakna aţang hian baptisma hi hnim pilin an chang  h n a ni tih a Chiang hle. Ante Nicene Fathers te thu ziate (vol. VII, p. 379 ; leh vol. III, p. 94) kha chuan kohhran chuan baptisma hi hnim pilin an chant r thu a chuang. Kum zabi l na leh s wm leh palina ink ra din Europe leh Asia ram kohhranahte chuan ringtute chu hnim pila baptisma an chan thu an lehkhabuah a chuang. Siam thatu, John Calvin-a chuan, “Baptis” tih thu hrim hrim hian, “Hnim pil” tih a kaw k a, tichuan hnimpila in baptis hi kohhran hmasate tih dân a ni tih a Chiang a ni,” a ti. *Institute of Christian Religion*, Book 4, Chapter 15, Sec.19.

Dean Stanley, Churh of England-a ziaaktu ropuiberte z nga mi chuan, “Kum zabi s wm leh pathum chh ng kha chuan khawv l pumpui deuhthawin baptisma kan hman dân chu Thuthlung Hluia kan hmuh, a awmzia pawh baptis a chang apiangte pawh tuia tihpil emaw, nawr lut emaw,

hnimpil emaw tihna a ni,” a ti. *Christian Institutions*, p. 21.

Europe ram pumpuia chhinchhiahna ațang chuan an thu ziate dikzia chu Kohhran hrang hrang Italy ram Pisa khuaa mite, Rome khawpuia kohhran lian ber pahnihna St. John te chuan an sawi a ni. France rama Frejus kohhran pawhin kohhran chanchin dahkhawmna kum zabi ngâna vêla sak chu ța takin a la vawng bawk a ni. Asia Minor rama, Ephesi kohhran chhe tawh, kum zabi ngâna vêla an saka chhinchhiahna buah pawh ringtuten hnim pila baptisma an chan thu a chuang.

Kum zabi sâwm leh panga tir lama Revenna Council tir lam thleng chuan Roman Catholic kohhran pawhin hnimpum tluk pui atân tuia theh hi an la pawm lo a ni. Kohhranin a tihțur chungchângah hi chuan, Krista leh a zirtırte tihdân a theih ang tawkin kan zui tır a ni a, mihring tu zirtırna mah hei ai hian an pawimawh thei lovang. (Kolosa 2:3).

Anih leh nausên baptis thu hi? Kristian rinawm tak tak te hian nausên baptisma chantır hi an ngaisâng a. An fate chu an nausên lai ațanga Krista hnêna hlannaah an ruat vâng a ni. Kan fate hi an sen lai ațanga Pathian hnêna hlan hi a duhawm hle reng a ni, amaherawhchu Krista hnêna kan fate kan hlan nâna Bible zirtır dân a awm tlat mai. Thuthlung Tharah chuan baptisma hi kawngro nei taka hman a ni. Mi chu baptisma a chan hmain chhandamna chanchin zirtır phawt tır a ni. (Matthaia 28:19.) Baptisma a chan hmain mi chuan Isua chu a ring tır a ni (Tirhkohte 8:37) chumai chu ni lovin baptisma chan hmain a sual a simin sual lak ațanga ngaihdam a ni tır a ni. (Tirhkohte 2:38). Nausên chu ringa sual sima thupha chawi thei a la ni lova, mahse hêngte hi baptisma chan hmâa tihțur te chu an ni si.


Bible hian nausên, Lal Isua chu an chhandamtu atâna thlang a, baptisma chang tawh an nih hma thi tate chanchin hi Chiang takin a sawi lo va, chutichung chuan naupang/nausênte hi chhandam an ni ngei ang tih erawh chu kan ring. (Isaia 11:6). Chuvângin chutianga nausên lo thi tate chung chângah chuan Chhandamtu hetiang lo sawitu thu hi kan ring ngam tûr a ni ang.

**“Naupang tete ka hnênah han kaltîr ula, hnar suh u; vânrâm chu hetiang mite ta ani si a.” Mat. 19:14.**

#### 5. CHHANDAMNA AWM TURIN BAPTISMA KA CHANG NGEI TUR EM NI?

Ringtute tân tuia hnimpila baptisma chan kher hi eng anga pawimawh nge a nih? Isua chuan Nikodema hnênah, “Tih tak meuhvin, tih tak meuhvin ka hrihl a che, mi tupawh tuiah leh Thlarauva an pian loh chuan Pathian ramah an lut thei lo vang,” a ti a. (Johana 3:5). Isua thu sawi aţang hian, vânrâm kal duh apiangte tân baptisma hi a tûl a ni.

Isua khan vawikhat chu a bika pawm a nei a, chu chu kraws lêra rûkru kha a ni. He mi hi thlarauvah chuan a piang ngei mai. A thinlunga duhthlanna chu entîr tûra kraws ler aţanga lo chhuka baptisma chu a dân dik tak, hnim pilin a chang thei tawh lo va. Mahse Isua chuan a rama awm tûrin kha mi nî kha a tiam a ni. (Luka 23:42,43). Rûkrute kha chuan tuiah leh thlarauva pian chuan Isua thisena sualna



tlengfai tûra, kha tih lai taka chhuak kha a entîr a ni. Augustine chuan, “Thihna khuma sual simna pakhat a awm a, chu chu rûkru sual sim kha a ni, chuvângin tumah an beidawng tûr a ni lo. Pakhat pawh, tumahin an hresual tûr a ni lo,” a ti a ni.

Isua ngei pawhin he vaukhâna hi a pe a: **“A ringa baptisma chang chu chhandamin an awm ang a; a rin loh erawh chu thiam loh changin an awm ang,” Marka 16:16.**

Kan tân Kalvariah thiin Isua chuan mi zawng zawng hriatin min hmangaihzia a lantîr a ni. Keini pawhin mi zawng zawng hriatin kan chhân lêt a, zahna awm miah lovin Krista hnêna baptisma changa kan intukluhna chu kan ti lang tûr a ni. Kristaah hian nun tharin i nung tawh em? Baptisma pawh i chang tawh em? I la changlo a nih chuan chanve thuai i rem lawm ni?

#### 6. BAPTISMA HI A TĀNNA MAI A NI

Inneih inkutsuihna ang hian Baptisma chu inpumkhatna ropui leh thang zêl tûr lo inţanna mai a ni. Baptisma hian kan Kristian nun nasa taka a khawih laiin, sual theih tawh lohna a pe emaw, kan tih mai a hlauhawm êm êm a ni. Baptisma changa kan inpumpêkna hian kan damchhûng a daih nghal vek lem lo thei.

Nausên a lo pian hian kan lawm thîn a. Amaherawh chu a lo pian hnua kan hlimnate a lo reh hnu hian, nausên chuan nitin hnute tui a mamawh a, nitin bual a tul bawk a, chu mai chu ni lovin, nitin enkawl a ngai a ni.

Hei hian Baptisma a ang khawp mai. Paula chuan ama chanchin sawiin “Nitìn ka thi òhìn,” a ti a ni. Nitina mahni hmasialnate kan kal bosan chuan Krista annaah kan òhang zêl a ni. Òhangreng tûr chuan, nitin Krista kan pan tûr a ni; nitin nun thar, òawngòaina leh Bible zirna aòangte hian.

Baptisma changte hnênah Isuan eng zirtîrna nge a pêk?

**“Chutichuan kal ula, hnam tina mi zirtîrah te siam ula, Pa leh Fapa leh Thlarau Thianghlim hmingah chuan baptis ula, thu ka pêk zawng zawng che u pawm tûrin zirtîr rawh u, tin, ngai teh u, kei kumkhuain, khawvêl tâwp thleng pawhin, in hnênah ka awm zêl ang,”Matthaia 28:19, 20.**

Isua chuan thu a pêk zawng zawng chu pawm tûra baptisma changte chu zirtîr a pawimawh zia a sawi lang a. Baptisma hian kan nunna chu Krista hnêna kan hlanna a kâwk a ni.

Paula pawhin ama chanchin sawiin, “Nitìn ka thi òhìn,” a ti a (1 Korin 15:31). Nitina mahni hmasialna te kan kalbo san chuan Krista hnêna inpêk kan mamawh a, englai pawha òhang tûr chuan Krista annah kan òhang zêl a ni. Nitin Krista hnêna inpêk kan mamawh a, englai pawha òhang tûr chuan òawngòaina leh Bible zirna hi a pawimawh a ni. Inneih inkutsuihna ang hian Baptisma chu inpumkhatna ropui leh òhang zêl tûr lo inòanna mai a ni.

## 7. LAWMNA CHHAN

Apostolte hun laia ringtu, Filipa chu Thlarau Thianghlimin Ethiopia mi tilreh chu be tûrin a tîra. Filipa chuan chu mi chu tawlailîra chuangin Isaia bua Mosia hrilhlâwkna thu a chhiar a ni tih a hmu a, mi tilreh chuan

zâwlnei hian tu chanchin nge a sawi tih Philipa a zawh chuan, Isua Krista chanchin a nih thu a hrilh a. (Tirhkohte 8:26-35).

**"Tin, kalkawnga an kal laiin tui eng emaw an thleng a; tin, mi tilreh chuan, "En teh, heta hi tui a awm, baptisma channa tûr engin nge mi dal thei?" a ti a. Tin, tawlwailir chu a dintîr a, an pahnihin, Filipa leh mi tilreh chu tuiah chuan an zu kal dun a, tin, Filipa chuan a ni chu a baptis ta a. Tin, tui ata an chhuah chhoh ve leh Lalpa Thlarau chuan Filipa chu a la bo ta a; tin, mi tilreh chuan a ni chu a hmu leh ta lo, hlim taka a kal zêl tak avângin." Tirhkohte 8:36-39.**

Mi tilreh lawmna chu engin nge rawn thlen? Tuia a zu inhnim phum kha a lawmna thlentu a ni mai lo. Krista hnêna inkawltîrnain a tih hlim vâng a ni. Mi tilreh khân Isua chu a thinlunga lo chenga amah chhandam theitu a nih a rinna a nung chhuak tawh a, tichuan, a rinna thar, a thinlunga alh chhuak chu tih lanna tûrin, Filipa chuan tuiah a hruai thla ta a ni. A nun hlui sual chu phumbo a ni ta tih entîr tûrin tuiah chuan a phum (hnim phum) ve ta a ni. Tin, chu mi tilreh, Ethiopia mi chu Kristaah chuan nun tharin a nung ta a ni tih entîr nân Filipa chuan tui aţang chuan a kai tho ta a ni. Baptisma channah hian lâwmna ropui tak a awm a, chu chu kan nunna hi Chhandamtu hnêna kan hlan vang a ni.

Baptisma hian nasa taka kan hlimna chhan a nei a, an rinna Kristaa nghatte chuan chatuan nunna tiam chu an neih avângin, tupawh a ringa baptisma chang chu chhandamin an awm ang."(Marka 16:16). Baptisma kan chan hian chatuana Pathian nêna lâwmna sawi hleih theih loh kan neihna tûr kawngah kan lawm chho mêk a ni.

Baptisma hian tun hun atân pawh a Krista nêna

kan hlimna hi a lantîr a ni. Isua chuan baptisma changte hnênah, thilpêk, chhiarsên lohva hlu a pe a (Tithkohte 2:38) tin, thlarau zârah Thlarau rahte an lo thleng bawk a ni. Chu chu “hmangaihna kan nunna dawhtheihnate, ngilneihnate, ðhatna te rinawmna te, zaidamnate leh insumtheihnate, tikhattu an ni.” (Galatia 5:22).

Kan chhunga, Isua a Thlarau Thianghlina a lo chênna chuan sawichhuah phâk loh muanna leh chianna min pe a.

**“Hlauva awm leh tûrin bâwih nihna Thlarau in hmu a ni si lova; fa nihna thlarau in hmu a ni zâwk e, chu thlarau avâng chuan, “Abba” (Ka pa!) tiin kan au ðhin hi Thlarau ngei chuan keimahni thlarau nêh Pathian fate kan ni tih min hriattîr ðhin. Rom 8:15, 16.**

“Hei hi ka fapa duhtak, ka lawm êm êma chu a ni,” tia Pathianin Isua chungchâng a sawi ang khân, nangni pawhin rinnain, hei hi ka Fapa/ Ka fanu ka lawm êm êm te chu an ni tih aw in hre thei ang. (Matthaia 3:17).

Pathian nêna he inzawmna nghet tak hian hlâwkna tam tak a rawn thlen a, amaherawhchu harstna awm miah lo nun tihna chu a ni lo. A nihna diktakah chuan, thlêmtu hian Krista pawm hlimte hnênah chuan harsatna nasa ber berte chu a thlen fo. Chutichung chuan Krista nêna inzawmna nun chuan hun khirh hnuaiyah pawh nghet taka nun theihna mi zirtîr ðhin. Pathian kuta kan awm chuan thil engkim, a chhia emaw a ðha emaw kan chunga thleng ðhînte chu min zirtîr nân leh kan ðhan len theih nân a hmang ngei ang tih kan hria (Rom 8:28).

Nu, la valai tak chuan a pasalin an inñhen ngei ngei ang tia a vau chungin, a nunna chu baptisma changa Lalpa hnêna kawltîr a titlu ta a. A pasal chuan a nupui rinna thar chu chhete pawhin ðawmpui a duh lova, mahse a nupui chuan

Krista chu a vuan tlat a, tichuan tun hma zawng aia nupui tha nih a tum ta a. Hun engnge mawti chhung chu a pasal chuan harsatna inhhung khurah chuan a siam a. Mahse a tawpah chuan a hnial hneh theih loh danglamna nun a nupui atanga lo thleng chuan a hneh ta a ni. He mi hian a nunna chu Krista hnénah hlânin baptisma a chang ve ta a ni.

Harsatna kârah pawh Kristaa inkawltîr hian, a kuta hmanraw chak takah min siam thei a ni. Inpêkna famkim avanga lâwmna hi hmuchhuak rawh. Krawsah khân inhlanna famkim kan tâna inhlanna famkim Krista chuan kan tân a lo siam tawh avângin keini pawhin engmah phût lovin kan nunna hi a kutah kan kawltîr ve thei a ni. Kan tlantu a nih theihna tûrin Krista chuan a man chhiarsen loh a pe a sin. Chuvângin mite hriata kan hmangaih vena leh a thu kan âwihna tihlan theih na hi chanvo ropui tak a ni. Hei hi i la tilo a nih chuan he tawngtâina nêh hian tûnah a hnénah in pe ta che.

*Kan Pa duhtak Vâna mi, Isua chu ka tân thia, phuma awm a, thlân atanga chatuana nunna Petunia a lo thawh leh tak avângin lâwmthu ka hrilh a che. Tûnah hian ka mi hluî taksa chu kalsanin i hnénah ka inhlân e, ka hnénah lo chêngin i awmpuina chuan min tikhat rawh. Khawngaih takin, baptisma a chan zawha Isua chung a I tih ang khân, ka chungah i thlarau thianghlim rawn leihbaw ve ta che. Nangmah zui avânga thlamuanna leh hlimna lo thleng thîn khân kan nun hi chhûng khat ve la, hei hi Isua hmingin ka dil e. Amen.*

---

Published by Mizo Conference of Seventh-day Adventists,  
Seventh-day Tlâng, P.O. Box 097, Aizawl 796 001, Mizoram.

DISCOVER - BIBLE RÂLCHHÂN